

docriver 文川网  
古籍书城  
入驻商家  
在文川网搜索古籍书城 获取更多电子书

中國方志叢書  
· 華中地方 · 第五三五號


據

清·吳楚椿等纂修  
清乾隆四十二年刊本

影印

浙江省

# 續青田縣志



成文出版社有限公司印行

\*10101686\*

K10  
09  
05

10101686

中華民國七十二年三月臺一版

# 續青田縣志

全一冊

發行人：黃

成

助

出版者：成文出版社有限公司

台北郵政信箱二二六〇五號

台北郵政信箱二二六〇五號

台北市杭州南路一段6巷9號3F

電話：三九一六四一六（五線）

印刷者：上林彩色印刷有限公司

台北市大理街145號

新聞局出版登記證：局版台業字第一一四三號

本書原稿承國立故宮博物院惠借

謹致謝意

docsriver 文川网  
入驻商家 古籍书城

在文川网搜索古籍书城 获取更多电子书

續青田縣志小序

昔褚少孫續史記班昭續漢  
書劉煦續唐書因舊續增自  
古有之余自癸巳冬蒞青田  
任邑紳韓君錫胙余舊友也  
丙申夏韓君觀察蘓松寄書

來青囑余重修志乘余以不  
敏辭秋九月

府憲王公蒞任命處屬十縣  
各用續志抄本送府勒爲一  
帙事不煩民不擾甚善政也  
丁酉春余蒐輯成卷請赴郡

城道有吾鄉李君若玠者出  
仕粵東被議來浙余出稿相  
商李君曰續志之法政事人  
物藝文專叙近年事並查前  
志缺畧者補之星野沿革山  
水等類舊志荒畧不妨核辨

訂正風俗一門政治所關尤  
宜詳考脩載勿沿志家陋習  
余以爲然進謁

府憲王公見其所藏天下各  
府輿圖壤地相接犬牙相錯  
又蒙



府憲手指口授披覽之下頓  
覺心目開爽雖足不出戶庭  
而天下名山巨川之向背通  
都大邑之壯麗不啻現之眉  
睫指諸掌上古人之所稱卧  
遊者此也我

皇朝通志卷之三十三  
皇上神武遠揚疆宇日拓新修

一統志煌煌鉅觀其圖象必  
更有豁人心目者因思自天  
下而各省各府各縣廣狹雖  
殊理勢則一故於舊志總圖  
之外更增十八部分圖使其

相鄰相接遠近了然俾宰斯  
土者身不出衙署而於百姓  
之輸將差役之往來有以稽  
其勤惰而督其緩急亦居官  
者之一助也爰繕寫成冊恭  
呈


府憲核定而邑紳董永發陳  
開基等因付梓人焉是爲序

峇

龍飛乾隆四十二年丁酉歲長  
至之吉

侍授文林郎浙江處州府青田

縣知縣丁酉科浙闈同考官  
山左吳楚椿書於青田官舍





續青田縣志目錄

第一卷

闔邑全局

第二卷

各都分局

第三卷

政事

第四卷

風俗

第五卷

人部

第六卷

文部



凡例

一青邑原志迄今不過五十載通體重修爲費甚鉅辦理亦甚竭蹶昔劉煦續唐書肅代以前皆仍其舊而以後百餘年之事附於各卷末余倣其例專叙雍正七年以後事其舊志之字畫殘缺者另爲刻補與新修並存故曰續補云爾

一旣存原志全部則續志僅分六門已足一曰闔邑全局二曰各都分局三曰政事四曰風俗五曰人部六曰文部閱者同原志互參則全備矣

docsriver 文川网  
入驻商家 古籍书城

在文川网搜索古籍书城 获取更多电子书

一原志中有宜辨正者有宜增補者皆爲重叙始末以昭傳信要皆關係緊要事件至於古蹟坊表人物藝文等類原志所載者槩不重錄

一凡品題人物蓋棺論定故現在者從無立傳之例士夫如此節婦亦然守節以三十歲前爲合例完節以六十歲後爲合例然有姑媳同守者或姑長而媳幼嫡妾同守者或嫡長而妾幼再或其人現存年已望六者皆可量予採錄亦善善從長之義也外此者不得濫入

一藝文一項或傳記序文詩歌詞賦之類必其有關志  
乘者採而輯之以示傳信而其人之博雅亦借以傳  
若尋常酬應贈答咏物遣懷等作槩不敢濫入蓋志  
原以昭一邑之信史並非爲人刻詩文集也識者諒  
之

一記傳之作取其徵實而已苟能徵實文之工拙猶後  
也往見修志之家取前人之文而改竄之間有高出  
前人者亦竟有不及前人者適形其妄耳是編藝文  
多係舊本一字一句余亦悉仍其舊

一是編定稿出自余手稿成後發交邑紳一切鳩工付梓計值經費之事余概置不問及以簿書案件責有專屬似此瑣屑無暇縈心也

續纂執事

主修

文林郎浙江處州府青田縣知縣吳楚椿

協修

浙江處州府青田縣儒學教諭徐鶴齡

浙江處州府青田縣儒學訓導董楷

較正

邑 歲 貢 生 董永發

邑 優 貢 生 陳開基

督修

本縣典史 李華

本學生員 陳應發

本縣禮書 楊錫照

訂錄

本學生員

劉耀 楊體芳 陳其業 富敦仁

葉萬瑜 朱廉 徐上銓 厲雲樞

劉騰龍

閩邑總圖



東北至永嘉界



東

東南至瑞安界

界安瑞

南

44-54-545

北至縉雲界

西北至麗水界

苦竹



西至景寧界

圖邑全司

西南至景寧界

南至泰順界

東至永嘉縣安溪界三十里

南至瑞安縣烏杉界一百里

西至麗水縣金村界一百二十五里

北至縉雲縣盧塘界一百里

自縣至處州府一百五十里至杭州府一百二十五里至

京五千三百九十里

星野辨

吳楚椿

嘗論鳥火虛昴載在堯典初不言其分居何野也荆  
梁雍豫載在禹貢初不言其分屬何星也自熒惑守  
心見諸左傳漢書遂以周室封國分配列宿歷代史  
志皆宗之西南黔滇周室不列職方概曰井鬼東南  
甌閩周室亦不列職方概曰斗牛由此言之則緬甸  
木邦諸國亦皆井鬼也琉球日本諸國亦皆斗牛也  
在內之列宿分野何其太狹在外之列宿分野又何  
其太濶今回部準部闡地二萬餘里其分野又將何

屬乎夫聖人之書易書詩春秋四經而已他如周禮  
戴記多不可信而左氏浮夸班氏湊砌後世學者竟  
奉爲不刊之典亦見其惑也今夫天官之學愈後而  
愈密孟子云千歲之日至可坐而致與太史公天官  
書週歲三百六十五日二十四刻二十五分其說相  
符晉虞喜始有歲差之說元郭守敬又有七政本輪  
最高最下之說明利西秦作方輿勝畧論南北兩極  
赤道左右者最詳又西洋善遊分天下爲五大州曰  
亞細亞曰旣羅巴曰利未亞曰亞昧利迦曰墨瓦

泥迦東過朝鮮南踰交趾北渡沙漠西越哈密尙不  
足以盡亞細亞境界則中土九州特赤道北之一方  
耳我

聖祖仁皇帝欽若昊天制爲律書淵源全編大臣之勲其事  
者莫如安溪相國而安溪受學於宣城梅定九先生  
所傳有歷象新書歷學疑問等編天包地外分天度  
爲三百六十地居其中亦分三百六十赤道而北總  
以北極高下爲準順天府北極出地四十度廣州府  
北極出地二十三度順天而南廣州而北僅占地一

docsriver 文川网  
入驻商家 古籍书城

在文川网搜索古籍书城 获取更多电子书

十七度以三百六十計之則由順天而北由廣州而南直至匝地一周尙多於中國者二十倍有奇南北多二十餘倍東西又多二十餘倍縱橫乘之中國僅數百分之一分耳周室封國方千里者九縱橫皆十二度以周天之列宿而欲以彈丸之野分之彈丸之外遂謂列宿所不照豈非坐井觀天之見哉且星至動者也野至靜者也二十八宿隨天左轉昏見於東者且沒於西春沒於西者秋見於東而謂有一定之東西若者屬齊若者屬秦則必星定於一處而後可



孔子曰譬如北辰居其所而衆星拱之以三垣喻朝  
廷以列宿喻列國今之喀爾沁諸部落以及海島邊  
羅諸國皆拱向帝京者也較春秋之世規模宏遠加  
數倍矣而猶欲執左氏之說以分周天豈不謬哉夫  
學術之壞莫大於依訛傳訛侈口談天論分野則妄  
談占驗論占驗則妄談休咎此邪說之所由起也余  
因修青田縣志舊有分野一卷故特記於此